


文法詳論

上卷

柳田文庫
文庫11
A1262
1





文法詳論



三洲署首



明治甲申
八月上梓

柳田泉文庫


龍集甲申八月上梓

尹問全學益
擇善隨相師

湖上鳩梁生篆


文法詳論

和亭生寫



本墜寒飈動
不墜吐孤身
浩蕩新碧宇
英雄佳已矣
美人七子
轉下駟官
日仰俯
未夫貴
自進區
誰肯阻
若世
垂後世
聲名印
亦古
亭生
萬里
多冲
萃

學海不空



素餐何以報皇天
 僅灌陶泓代甫
 田記學史五言
辛丑傳御史
 簪白華以奏
 老監枕青
出詩書曰後
 事白頭老監
 林喜眠
 巡祿羞
無切計
 瓦全
 女
生靜
 世飽
 金清福

送康年

胡九韶
 藿粥三厨每
 哺海天婦一日
 後福

鴻齋迂人石葉



叙

自累朝振興文字
 以素作者
 不乏人議者
 亦難悉數
 非謬
 於已見印
 固於時風
 取得大中
 至正之波
 疎寥之
 無筌抑知
 去理也
 議理洞澈
 雖片言
 隻字
 歷千載而
 照光說理
 偏披印摘

六言詩前

句尋章不致傳而頗沒維斯道
者要宜取長畧短就簡刪繁庶
學者得所旨歸教者亦不留指
摘矣今閱鴻齋先生文法各則
旁搜遠引闕角鉤心以備舉而
廢遺惟恐更僕難數以直言而
當復實流弊無窮具無限之

苦衷其大有心於文教者歟

光緒壬午秋八月皖北杜紹棠序

於江戶節署



文章之通日進月盛。雖耕稼陶漁之徒。
 此知尋章摘句藻飾。言語。况於士大夫。
 乎。於是諸子駸。務業。樹旗列幟。各闢
 壇坫。著書之。年。多。於。一。季。吁。二。何
 其多也。然而說作文之法者。或蒐集古
 語。或登錄熟字。唯舉古人作例而已。未有
 說根柢。講基礎者也。余志於文。有年。其
 所閱過之書。不下數十種。而未能得其
 要領也。雖由學。亦未始。振以無師之

序



文章之通日進月盛。雖耕稼陶漁之徒。
 此知尋章摘句藻飾。言語。况於士大夫。
 乎。於是諸子駸。務業。樹旗列幟。各闢
 壇坫。著書之。年。多。於。一。季。吁。二。何
 其多也。然而說作文之法者。或蒐集古
 語。或登錄熟字。唯舉古人作例而已。未有
 說根柢。講基礎者也。余志於文。有年。其
 所閱過之書。不下數十種。而未能得其
 要領也。雖由學。亦未始。振以無師之

書也。以故就鴻齋石川先生問文法。先生
出所著文法詳論者。見示曰。此余就清
客沉黃諸子所質。子其由是學之。雖
不及亦不甚遠也。受而閱之。則自作文
之根柢。至學術之基礎。結構之法。但
織之理。一縷述之。以叩古人蘊奧。解
其所未解。申其所未申。際括絜矯。使
讀者若遵小轅於司南。實後學之至
寶也。曰。以為九為文章。當先立志。不
立。則基礎不立。基礎不立。則莫能構

一字。此書譬若以導引度短長。以繩墨
量曲直。循乎曲盡其法。洵可謂文章
秘訣矣。苟有志於文章者。取法於此書。
則尚無問津之嘆也。余先生積多年
研學之功。窮搜博訪。采摭典故。為初
學以加工。其法嚴整。而其理明確。學
文者。舍是有所取哉。曰。請公諸世。不可
治而後可。迨上梓。遂敘一云。志士喜云。
告

明治歲次甲申夏六月

松本 謙謹撰



丹羽瀨生照寫字



[Faint background text, likely bleed-through from the reverse side of the page.]

文法詳論目錄

上卷

諭言

警戒

辨體

下卷

句解

助字例

論文類纂

巖荆川。雪苑。勺庭。諸子各樹旗幟。以鼓吹後進。其他震川。正學。竹垞。隨園之徒。陸續並出。直遡于周秦。古文之學。為萬古不易之法。猗歟盛矣。然臺閣取士。尚以四六儷偶為法。是以諸生之文。壹事聲律。蓋亦有故。夫以古文試之。先議論。而後文字。一時以才筆眩惑眾目。有司不能料其學淺深也。若排詞偶語。聲韻以銜勒之。章句以束縛之。雖欲奔放飄逸。出柵脫圍而不能也。雖無益於世教。非文字富贍博搜。古今則不能為篇。是以充諸生科業。所以試才與學也。昔歐陽公疾時文流弊。以古文考試禮部進士。東坡進刑

賞忠孝之至論。歐公歎異。乃寘東坡第二。然其論不由典籍。終莫知所自來。竊意東坡料歐公之量。投其所好。以啗一驚也。後生設師。是等之文。架空梯雲。幻華百出。不知所止。其弊或勝於儷青比白。務費雕琢者歟。其後東坡議學校貢舉。曰。近世士人纂類經史。綴緝時務。謂之策括。括經史之語其為文也。無規矩準繩。故學之易成。無聲病對偶。故考之難精。以易學之士。付難考之吏。其弊有甚於詩賦者矣。東坡諸表皆用四六沈確士評云。見東坡四六。由是觀之。無聲病對偶。學之真至。飛動別於唐人。由是觀之。無聲病對偶。學之易成者。而古人不取之。學文者。宜從規矩準繩也。余

常曰。學詩宜先作律學文宜先爲對偶聲律。今之學者。見曹植陸機等之文。極口罵之。讀歐陽三蘇等之文。欲振筆倣之。夫歐陽三蘇入於難而出於易。經繁縟而至簡淨者。是以文字自在。所言莫不如意。今之爲文者。掠韓奪柳。摩歐倣蘇。模擬剽竊。僅綴數言。至若摘明清小說之語。或撮稗史野乘之言。藍縷百結。動使讀者不通。安可謂之文哉。蓋文者以氣爲主。章句次之。六朝自有六朝之體。唐宋自有唐宋之體。以體而論文。抑亦末也。若夫淵明歸去來辭。一變離騷。別出一機杼者。而歐陽公言。晉無文章。惟歸去來辭。

而已。若韓退之送李愿歸盤谷序。藉愿之言。多用對語。而東坡又言。唐無文章。惟退之送李愿序而已。古人評文。固不關體裁也。故曰。文者以氣爲主。而學者以博爲質。加以以精熟。與古人無相異。爾近日之弊。不欲積功累功。欲妄求捷徑。惡亦惑矣哉。夫鍾六經之芳潤。歛百家之精英。鍛練陶冶。用力之久。而後纔有得者焉。注一世心血。竭百年精力。身瘦肉枯。而後有不得者焉。豈讀僅僅數卷之書。不積歲月。不加勉勵。反欲爲文。驚一世。嗚呼。亦弗思焉耳矣。

文法論卷一
發於不得已而止於不可行。斯語動輒誤多少人矣。夫發於不得已。何有篇章字句之法。止於不可行。何有抑揚開合之別。若無篇章字句之法。無抑揚開合之別。何以得謂文。謂章哉。言發之。筆書之。而示諸後世。無法不可以達辭。無法不可以貫道。無法不可以垂教於後世也。法者何。曰。立言之宜也。文本無法。得古人立言之宜。以爲法而已矣。凡人之言語。必有自然。法則雖愚。夫愚婦述寒暄慶弔之語。自有照應開合對法單行之妙。不學而至此者。則天地自然之理。所以發於不得已也。况於文章乎。若論語止記弟子

問答之語爾。然亦自有對法。巧言令色。慎終追遠。食無求飽。居無求安。貧而無諂。富而無驕。等是也。若周易爻辭。押韻斷句。其他曰騷。曰賦。曰辭。曰文者。或對句。或押韻。揚雄解嘲。韓退之進學解。及汴州東西水門記等。咸散體而用韻者。凡上尊者。啓疏狀議。多用儷語。所以使讀者琅琅然得音調之宜。非特裝飾文字而已也。蓋文章之妙。口不能言者。筆能言之。辭不能達者。字能達之。於是乎有文章之學焉。夫子曰。吾黨小子狂簡。斐然成章。不知所以裁之。夫斐然成章。文理成就也。不知所以裁之。字句之法未詳也。一字

不穩則一句不調。一句不調則一章不可通。是以字句篇章各有法而裁之。難哉得一篇之文也。若夫春秋乃魯史所記。所謂斐然成章者。夫子筆則筆削則削。約其辭明其道。此所以裁之也。門人續經至哀公十六年。書孔丘卒。例大夫卒不書。蘇老泉作論譏之。此亦子貢之徒所以不免狂簡也。不謂止於不可行哉。顏之推曰。凡為文章。猶人乘騏驎。雖有逸氣。當以銜勒制之。勿使流亂軌躅。放填坑岸也。若夫老蘇之文。雖雄健奔放如萬馬斫陣。勢不可當。而進退回旋。莫一中節。若大蘇之文。雖渾浩漂蕩如大河決流。

而有巨浪微瀾。如織如杼。旋渦轉換。不可亂者。若歐公之文。雖敦腴溫潤。如春山倩麗。而有園亭林沼。布置得宜。絳霞青靄。變幻不可測者。惟能胸貯萬卷。眼究百家。汎濫淳蓄。探深尋遠。而後可為文。畫家語云。不讀萬卷書。不行萬里路。不可以為畫師。畫猶然。况於文乎。

第三

古今殊言。和漢異音。而至於文。莫弗相通。如古文則彼國古言。非民間所常用也。故不從師學。則不能綴焉。如助字。亦不備於俗語。是以彼亦為難矣。蓋文之

法。其要在於助語。先輩曰。助語者。文章筋骨。詞藻樞
要。盧允武助語辭曰。諺云。之乎者也。已焉哉。用得來
的好秀才。可知非秀才不能用得也。昔柳子厚警社
温夫助字不當律令。唯不過言乎歟邪哉夫者。疑辭
也。矣耳焉也者。決辭也。未敢說其詳。近日多說助字
者。其書幾十種。然徒論字義舉古例而已。不見說活
用之法者。蓋助字者。由文勢而變化。不隨其文詳其
勢。不能說緩急輕重之別。請說其一二。孟子告子篇。
子能順杞柳之性而以為枏棬乎。字用乎將戕賊杞柳
而後以為枏棬也。字用也如將戕賊杞柳而以為枏棬。

則將戕賊人以為仁義與。字用與率天下之人而禍仁
義者。必子之言夫。字用夫左傳昭公二十五年。晏子立
於崔氏之門外。其人曰。死乎。曰。獨吾君也乎哉。吾死
也。曰。行乎。曰。吾罪也乎哉。吾亡也。曰。歸乎。曰。君死安
歸。韓退之原性。上焉者善焉而已矣。中焉者可導而
上下也。下焉者惡焉而已矣。後人欲擬之。動輒用於
語勢之不至。此者亦優孟衣冠耳。若歐陽公醉翁亭
記。水落而石出。東坡後赤壁賦。水落石出。字用而字
字且醉翁亭記。全篇用也字。韓退之李公墓誌。七百
餘言。一不用也乎矣字。由語勢緩急也。余問文於清

客沈文煢起艸屢乞斧正。文煢隨讀斷句有不可者。則添刪之。至於助字。沈吟數回。不得其當。則更之。覺甚煩。思余於是益知助字難寘也。今人用助字者。大抵由古人作例。或剽竊古言。是以屢誤。緩急。先輩往往不免此病。雖學殖富饒。議論超絕。至於文章不能駕西人者。徒以糟粕為師。故也。余頃觀演劇。有所感焉。有鳴鼓版者。有奏絲竹者。有不假唱歌與八音者。每曲異其曲。未必不合舞踊也。喻之文章。舞踊者。章句也。鼓吹者。助字也。若誤一聲。舞踊將亂。猶誤一助字。文意不通。而不假唱歌與八音者。進退舉動。有法。

令不可亂者。猶賦頌銘贊。儷語押韻。不雜散體。於序學力菲薄。欲強為文者。猶矮人觀場。徒在人之後。而不能窺妙舞也。

第四

古人曰。讀十遍。不如寫一遍。作文之法亦然。宜多寫。古人之文。夫以有限之力。讀無涯之書。脣腐齒落。猶不能盡。況於寫之乎。宜芟繁。摭簡。擇其佳爾。但若學庸論孟詩書及易繫辭禮檀弓。或謄寫。或諳誦。若左國史。漢歷世諸史。及老莊荀韓諸子。宜熟讀。以審之。若文集詩鈔。其他國史雜禱。及道佛西洋譯書。有會。

文法詳論卷二

心處。宜拔萃以鈔錄。所謂貪多務得。細大不捐。可以充實腹笥。如宋儒妄說性理。以記誦博識為玩物喪志。程明道語我不取也。如熟語。宜擇古人常用之言。不可私製不當之語。濫用卑俗之言。或掇艱澁之字。文淺易之說。古人所忌。平弱卑薄。剽竊古語。雜亂全體者。最可厭惡。如三都二京。則雅頌之流。亞抒下情。通諷諭。譬風土地理。多陳鳥獸草木之名。孫興公以為五經鼓吹。苟志於文者。不可不熟知也。而文字富贍者。左思張平子班固揚雄及賈誼相如。為最章句之正。陸機文賦。鮑照蕪城賦。謝惠連雪賦。謝希逸月賦。江

文通恨別二賦為最。齊梁以來。韻工章句。愈精愈審。遂以為生徒試業之資。詔誥表啓。大約用此法。迨於沈休文。四聲八病起。駢四儷六。頗苦句法。唐宋皆倣之。然不及於古遠矣。至於杜牧阿房宮賦。稍變其體。至於韓柳。以騷為宗。覓出於齊梁之上。而歐陽公秋聲及蒼蠅賦。全用論體。若東坡兩赤壁。幾為記體。雖為空前絕後之筆。不可專為賦矣。後人若學是等之文。或陷誤徑。所謂刻鵠類鶩者。反速識者之嗤。已近世諸家有間為賦辭者。然比諸寬平延喜諸公。稍有庭徑。蓋寬延諸公。雖大率據昭明之選。親受李唐諸

老傳而學焉者。雖有小疵。亦自醇然。今之諸子。大抵學八家。至若辭賦駢體。置而不取焉。若表啓劄子。皆凡國文。故不用力於此。所謂語焉而不詳者。安得醇。醇者哉。余學斯技於沈氏。雖未得一篇。畧得知其法。退而觀諸家所作。為合格者甚少。非特賦辭也。噫。嘻。文章之率易。學資之寡陋。亦足以視人情之輕薄。可悲夫。

第五

寬平延喜諸公。雖專承六朝之習。入學諸生。親學於隋唐。歸後授之者。故氣象渾厚。雄深古雅。非仿摸剽

竊徒。嘗糟粕者之比也。迨於武臣執權。文學之道。亦隨而衰。先王墳典。僅歸緇流而已。至於德川氏初。惺窩羅山始唱宋學。於是文章之學。復將興。然時屬艸昧。規模未詳。猶昏暮求路者。僅借星辰之光耳。及於物徂徠出。顯主張古學。又反陷於李王之窟。其徒春臺南郭東野周南之徒。縱橫馳突。百怪為群。至明和安永之際。四分五裂。互相讎視。至不可收拾。蓋亦文運一厄也。然而古文一脈。自順菴鳩巢傳。至於寬政三博士。挽回伊洛之道。又據八家之文。恨猶太亂之後。不能修理城堡。殿堂門廡。頗屬大敗。雖欲雨露之

不漏未可得也。至近世一齋山陽拙堂豐山岩陰息
軒諸子輩出。於是文章之學愈精。章句之法愈密。文
運之盛莫若是時矣。其他艮齋小竹方谷節齋弘菴
鶴梁之徒。學歐法蘇。各樹旗幟。提筆鼓吻。以睥睨一
世。勢將逾於秦漢。吁亦何熾也。然見得古人皮肉者
未見獲。古人骨髓者矣。已見得古人骨髓者未見獲。
古人精神者矣。夫精神質也。衣冠文也。有質勝文者
有文勝質者。孔子曰。文質彬彬。然後君子。若以質而
已矣。何以文為。棘子之言。君子所不取也。孔子所謂
乘殷之輅。服周之冕者。折衷前世善者。而文飾之也。

學文亦然。宜擇周漢唐宋善良者為槩。護而若宋景

王。陽唐荆歸川震方望朱地侯死魏子叔亦是簪纓裙衫。

帶袴鞋鞵之屬。可以為裝飾。今也質將成。加以文。

真是古人矣。近日觀以文售名者多。不培養質而欲

修飾文者。猶麋鹿蒙虎皮。奔走山野。戲嚇狐兔耳。若

遇真虎。將逃避無地。吁亦何等狂態也。昔鄭子藏好

聚鷓冠。鄭伯惡之。使盜殺之。君子曰。服之不衷。身之

災也。近日之弊。不特好聚鷓冠。將繪山龍華蟲。而天

之不災。蓋亦倖也。雖天不災之。不能免君子之嗤。不

特不免君子之嗤。又將遺後世之譏。學者不可不慎。

焉。

余艸斯篇。傍有人曰。子亦好聚鷓冠者邪。曰否。余華冠。縱履在蓬戶桑樞之下。不容於世爾。焉好異於人哉。然今觀神州之人。或有著魯服。戴佛帽。穿米履。爲英語者。道路逢之。不知爲何國之人。視其不碧眼。赭髯。始識爲國人耳。近日文章之弊。亦同之。乏於質。而欲富於文。裁爲一篇糜爛之文。有碎片駁雜。殆不可狀者。此豈得謂文。謂章哉。余之多言。固不好對中緝表素之人。但爲家塾黃小言焉耳矣。復不得已故也。

○警戒

誠心

凡爲文者。宜以仁義忠孝爲本。心術不正。文章自邪。猶木心不正。脈理皆邪。若諸葛武侯出師表。陸宣公奏議。胡澹菴封事。固非以文章誇於世者。然貫天地感神明。千載之後。使讀者凜然寒心者。彼至誠至忠之氣。所以沛然自肺腑中流出也。若曹瞞父子。雖詩賦文辭。超絕於衆。後世無得而稱者。以學術不正。行乘聖道也。夫文以氣爲主。氣以誠爲主。傳曰。誠者物之終始。不誠無物。是故君子誠之爲貴。世之文士。不

文淵閣書
特傲古人文法。先當傲古人言行。若文與行相反。後世孰賞焉。有宋摺紳。丁晉公呂惠卿輩。非無文章。然而君子不道者。以其非端士也。

用字

用字。宜如貧人購物。衆多之中。擇其善良者。思慮百回。纔出錢而換。其惜之。殆如削肉。是以不求冗物也。古人作文。一字自充千金。故其文貴矣。今人綴語。百字不直半錢。故其文賤矣。不埃人賤之。自先賤之焉。得不覆瓿哉。凡毫釐差異。字以分之。不微得其當。則生千里之差。宜熟讀古人用字之緊密而學焉。左傳

昭公十三年。士彌牟營成周。計文數。用計揣高卑。用

度厚薄。用度仍溝洫。用仍物土方。用物議遠邇。用議

量事期。用量計徒庸。用計慮財用。用慮史記張儀

傳。始吾從若飲。用若我不盜而璧。用我若笞我。用若

若善守汝國。用若我顧且盜而城。用我其事不同。則

字亦不同。其事同而字復不同。如是類不遑枚舉。學

者其詳焉。

起藁

古人爲文。一字不苟。有意不穩者。百回竄改之。有終篇不留一字者。凡起初藁。宜經一二月。而後見之。必

效法諸論卷上
也有所添刪再淨書之。又且經一二月而後見之。亦復有所更正。如是五六次。平生所蘊蓄湊於心頭。遂有得其當焉。嘗聞有人買歐陽公醉翁亭記藁者。初書滁州全景數紙。末後唯曰環滁皆山也。歐公尚如是。况不若歐公者乎。古人曰思之思之。不得鬼神教之。非鬼神之力。其精氣之極也。若歐公每篇至其極者。爲文者。倣歐公博雅。倣歐公刻苦。則庶乎其不差矣。

藉物

學文者。不啻讀萬卷之書。且行萬里之路。周覽名山。

大川。又且交於英雄豪傑。及韜光遁世之士。獨學無友。則孤陋寡聞。筆端不舒暢。誤謬亦多矣。昔吳道子見裴旻舞劍。而悟畫法。張旭見擔夫爭道。而極書法。蘇轍見韓魏公容貌。養作文之氣。等皆藉外物。以爲己之有也。於乎宇宙間。有如此良師。學者盍思焉。

尚簡

文字之數。凡四萬五六千。而平生所用。不過一二萬也。西漢諸儒。揚子雲獨稱識字。字豈易識哉。若孫休名四子字。武后新製字。非平文中可用者。其他穆王八駿圖中字。及上古碑文。或道士陰符中字。多不可

讀者強解之無益耳。唯擇字書所載音訓正明者。倣古人用法。則可務用奇字。艱澁其文。君子所不取也。若孟荀左國。稱天下至文。而其字皆簡易。歐陽公富於金石之學。而其所著唐書五代史等。務宗簡易。不一用奇古之字。老聃所謂良賈深藏如虛。學者貯字亦應如斯。

虛飾

操觚者尚虛飾。自古然。但不以辭害志為要。虞書在璿璣玉衡。夫堯時。茹茨不剪。土階三等。舜豈製一渾天儀。以璿玉為鏤飾哉。四海過密。八音中華。無四海。

瀕海唯東方一邊耳。夔擊石拊石。百獸率舞。虞廷非百獸棲息之處。且獸安得舞蹈乎。孟子曰。盡信書則不如無書。吾於武成取二三策而已矣。以至仁伐不仁。而何其血之流杵也。夫文飾者。猶婦人理髮靚妝。固不可欠之具也。然過焉則眩惑人。不及則覺不潔。唯要無過不及爾。如相如上林賦。盧橘夏熟。揚雄甘泉賦。玉樹青葱。左思以為過於藻飾。然如思之三都。最極雕繪者。但不害志則可矣。余讀張繼楓橋夜泊詩。有所感焉。初以霜滿天起句。以寒山寺鐘聲為轉結。據張睿父代醉編。夜半鐘實為承天寺。然作者

為寒山寺以寒山二字寫隆冬之景也若為承天寺字句平凡無所賞焉耳

虛數

古書有計算不相合者雖無妨於大體使人疑且惑後人宜用意也秦誓曰受有臣億萬予有臣三千傳曰三分天下周有其二豈有一分者億萬而有二分者三千也哉史記諸侯不期而會盟津者八百遂率戎車三百乘虎賁三千甲士四萬五千人周武出軍從諸侯八百而其人不足五萬歟如帝王世次歐陽公揚用修等審論之計算不合者馬史為甚其他往

往有此類以東坡赤壁賦月徘徊於斗牛之間譏其違纏度過於穿鑿而不知大意者不足與論文也

倒句

倒句之法左氏吾翁之日侈故之以亡於不暇君於何有室於怒市於色魯語鼈於何有戰國策猿獼猴錯木據水則不如魚鼈歷險乘危則驢騾不如狐狸韓退之與陳給事書衣食於奔走羅池廟碑春與猿吟兮秋鶴與飛等不遑枚舉論語迅池廟雷風烈楚辭吉日辰良等一正一倒亦是奇格宜斟酌上下文勢不可煩擾章句妄用之語勢錯亂反使讀者惑耳

作字

作字宜用措正如張旭懷素作草書雖筆勢入神品

文法詳論卷上

使人不能讀者。復無益耳。近日學者。倣羲之尺牘等。務書省畫之字。縱橫塗抹。以銜俗眼。是亦末弊也已。韓退之不解艸書。非學者所愧也。宋張思叔座右銘云。字畫必楷正。程明道作字時甚敬。嘗謂人曰。非欲好字。即此是學。張觀少謹愿。平生書必為楷字。無一行艸。苟為文。貽諸後世者。豈以亂草破體不可讀者。汚嫌楮為哉。余屢交於清人。多得其簡牘。雖非緊要之事。咸以行楷書之。間有語中押韻者。想高尚之語。雖常談。亦有此習。國人所不及也。

渾化

人心不同。好尚亦異。必也之其所愛而辟焉。於文亦然。好左氏者。有左氏辟。喜老莊者。又有老莊辟。但剽竊其語。或更字換句。強為己之文。可謂拙矣。我師嘗曰。為文多啖古書。而可矢。必不可吐。蓋吐者。不變其形。可辨菽麥也。矢者。既化其形。不可辨果肉也。是語雖鄙野。亦可以為良戒矣。

文格

文本無格。未聞古人立格。而為文。以立言之。宜者。後人為格耳。如所謂立說格。設難格。解題格。譬論格等者。推其文體而分之也。唐荆川分七十格。而短者為

知格。變者為變格。是豈定格也哉。鹽谷宥陰曰。才之至者。自我為格。而其次者。守格以知契。至者希。而次者衆。則文不得以不立格也。夫法既立矣。格可自備。格已備矣。可以成文。蘇老泉曰。歐陽公文曰。執事之文。非孟子之文。而歐陽子之文也。所謂自我為格者。今人至於歐陽子地位。豈可區區學格哉。

波瀾

波瀾。抑揚頓挫。開合一篇中。自備者。請以水喻之。文猶水也。風蕩之為波。為瀾。為逆浪。為怒濤。轟激如雷。震噴搏如霰雪。哮吼喧闐。舒蹙奔騰。將齧岸碎巖。沒

磯覆嶼。是文之最巧者也。其退也。如穿壑。其進也。如疊山。水愈多。勢愈激。去愈遠。來愈近。若夫遭巨巖。突嶕俄。然分驟。然逢躍。而為濤。沈而為淵。為洄。為瀆。為沫。為渦。是亦文之抑揚頓挫。開合者也。方風收潮退。平坦鏡如。萬里一碧。細瀨微瀾。如慰如拭。而其中孕育。龜鼉蛟龍魚鼈。產殖珊瑚寶珠貨財。是則學筭富贍者能之。故曰。昌黎之文。如大海。東坡之文。如長江。學文者。宜望於河海。劫堂之水。牛蹄之涔。豈能得生。淪漣養鱗介乎哉。

取舍

讀古文者。宜有所取舍。雖八家之文。有可法者。有不可法者。先輩選文。各各不同。蓋由其性所好。然以予觀之。若謝氏軌範。最純粹者。至鄒氏續編。瓊瑤相錯。玉石相雜。稍有可厭者。茅鹿門選八家之文。儲同人增益之。後又高梅亭沈歸愚之徒。有所取舍。而醇駁相參。其他真西山。呂東萊。樓迂齋。諸選各有所偏好。尚不同也。近日桐城姚氏輯古文詞類纂。頗覺精選。恨卷帙浩大。不便童蒙。學者務讀斯編。不復陷誤徑矣。

錯誤

歐蘇之文。非悉佳者。學者宜選擇焉。若五代史。文章法度。以爲亞史漢。而宋吳縝作纂誤。舉訛漏一百十餘條。若東坡上神宗書。桓帝遣八使。實順帝。漢安元年也。再上神宗書。孔子曰。君子之過。如日月食焉。實子貢言也。上天子書。猶如是。況於著述者乎。夫子著春秋。尚不免日月之誤。韓退之爲孟子親受於子思者。古人往往如此。況於歐蘇乎。

近日志摩有小濱撲齋者。頗能古文辭。余觀其刪正歐蘇之文者。雖不中。而有不遠者。余甚感焉。今付錄其一二。歐陽公朋黨論。惟幸人君辨其君子。

小人而已。刪正爲而有君子。有小人。人君能辨其類而已矣。君子與君子以同道爲朋。小人與小人以同利爲朋。刪正爲君子之朋爲道也。小人之朋爲利也。老蘇高祖論微此二人。則天下不歸漢而高帝。木強之人而已耳。刪正爲天下恐不歸漢而高帝必死於鴻門。滎陽彭城白登矣。大蘇留侯論天下有大勇者卒然臨之而不驚。刪正爲有大勇者焉。卒然劫之而不從。倨傲鮮腆而深折之。刪正爲試折之。且夫有報人之志而不能下人者。是匹夫之剛也。刪正爲有報人之志而不能忍於物者。

是匹夫之量也。此固秦皇之所不能驚。刪正爲秦皇之所不能索。其他不遑枚舉。賴山陽不喜曾文。譬逢紗帽惡客。沈歸愚以爲不知有劉向。無論韓愈。二子所見。何其霄壤也。當日東坡作刑賞忠厚之至論。歐陽公疑曾子固所爲。由是觀之。東坡與南豐相伯仲者。唐宋文人之多。二人當八家之選。而賴氏極口罵之。何等狂態也。凡欲評古文者。非學藝文詞出於其人之上者。不能探究蘊奧也。未能窺藩籬。反欲品評室中陳列之器。徒費無益之辯。速他之嗤。已若徂徠譏赤壁賦。履軒嘲嚴子陵。

祠堂記固皮相之論。安得知其骨髓乎。故有東坡之學。而後可評東坡之文。有南豐之識。而後可評南豐之瑕。無駕於其人之學識。唯稱讚焉耳矣。

Blank columns for text on the right page.

○辨體 節錄留青新集

命辨

命猶令也。大曰命。小曰令。此命令之別也。上古王言同稱爲命。或以命官。說命。回命是也。或以封爵。如微子之命。蔡仲之命是也。或以飾職。如畢命是也。或以錫賚。如文侯之命是也。或傳遺詔。如顧命是也。

諭告辨

諭曉也。告命也。以上。敕。下之辭。春秋內外傳。始載周天子諭告諸侯。及列國往來相告之詞。然皆使人傳言。不假書翰。若漢高帝入關。告諭爲義帝發喪。告諸

Text on the left edge of the page.

也。漢章帝告廬江太守東平相等言之簡貴可式者

詔辨

詔者昭也。告也。古之詔詞皆用散文。故能深厚爾雅。感動乎人。六朝而下。文尚偶儷。而詔亦用之。然非獨詔也。後代漸復古。而專以四六施之。詔誥制策表牋簡啓等類。則失之矣。

誥辨

誥者告也。告上曰告。發下曰誥。古者上下有誥。故下以告上。仲虺之誥是也。上以告下。大誥洛誥是也。周

禮士師以五戒先後刑罰。其二曰誥。用會同以諭衆也。秦廢古法。止稱制誥。今尚存。

上書

書者舒也。舒布其言而陳之。簡牘也。七國時言事于三者皆稱上書。秦漢而下古制猶存。其他章奏表疏之屬。則別為一體。

英案事物紀原。太甲既立。不明。伊尹作書以戒。此上書之始也。秦改曰奏。或曰進之。天子稱表。進諸侯稱上書。漢乃有章表奏駁四等。

章辨

文法詳論卷上
章明也。古人言事，皆稱上書。漢定禮儀，乃有四品。其一曰章，用以謝恩。

表辨

表者標也。明也。標著事緒，使之明白，以告乎上也。漢晉多用散文，唐宋多用四六，而唐宋之體又自不同。唐人聲律，時有出入，而不失乎雄渾之風。宋人聲律，極其精切，而有得乎明暢之旨。然有唐宋人而為古體者，有唐人而似宋人者，不可不辨也。故表一曰古體，二曰唐體，三曰宋體。今所尚者皆宋體也。
英案蘇氏演義曰：表者白也。言以情旨表白於外。

也。

牋辨

牋者表也。識表其情也。後世上天子稱表，上皇后太子稱牋，而其他不得用矣。今制奏事，太子諸王稱啓，而慶賀則皇后太子並稱箋云。

奏疏

奏疏者，群臣論諫之總名。七國以前，皆稱上書。秦初改書曰奏。漢定禮儀，有四品。章以謝恩，奏以按劾，表以陳謝，議以執異。然當時奏章或上災異，則非專以謝恩。至于奏事，亦稱上疏，則非專以按劾也。又按劾

之奏別稱彈事。又置八儀密奏。陰陽皂囊封板。以防宣泄。謂之封事。更有八品。曰奏。奏者進也。曰疏。疏者布也。曰對。曰啓。啓者開也。曰狀。狀者陳也。有散文儷語二體。曰劄子。劄者刺也。曰封事。曰彈事。至疏封對狀劄五者。又皆以奏字冠之。以別于臣下私相對答往來之詞。及諭其文。則皆以明允篤誠為本。辯析疏通為要。酌古御今。治煩總要。此大體也。

又有榜子劄子。歸田錄云。唐人奏事。非表非狀者。謂之榜子。亦謂之錄子。今謂之劄子。凡群臣百司。上殿奏事。兩制以上。非時有所奏。陳皆用劄子。中

書樞密院事。不降宣敕者。亦用劄子。與兩府中書省樞密院相往來亦然。

論辨

論者議也。劉勰曰。論者倫也。彌綸群言。而研衆理也。論始于論語。若六韜二論。乃後人之追題耳。又論為八品。曰理論。政論。經論。史論。文論。諷論。寓論。設論。其題或曰某論。或曰論某。則各隨作者命之。

案事物紀原。文心云。昔仲尼微言。門人追記。目為論語。蓋群論立名。始於茲。莊周之書。有嘗試論之。荀卿有正論。賈誼有過秦論。今之論以荀賈為始。

李性學文式云。論理貴反覆而盡事情。又曰。宜曲折深遠。

序辨

序緒也。字亦作叙。言其善叙事理。若絲之緒也。始于詩之大序。首言六義。次言風雅之變。又次言二南王化之義。其言次第有序。故謂之序。

案公羊傳疏云。序者舒也。舒展已意。以次叙經傳之義。述已作註之意。故謂之序也。尚書註疏毛傳云。序者緒也。則述其事。使理相胤續。若繭之抽緒。左傳正義云。序與叙音義同。

記辨

記者記事之文。禹貢顧命乃記之祖。而記之名。昉于戴記學記諸篇。後揚雄作蜀記。而文選不列其類。劉勰不著其說。則知漢魏以前作者尚少。其盛自唐始。陳師道曰。韓退之作記。記其事耳。今之記。乃論也。然觀燕喜亭記。已涉議論。而歐蘇以下。議論寔多。故以記事者為正體。雜議論者為變體。然有變而不失其正者。則歐陽修吉州學記。王彥章畫像記。柳子厚監察使壁記是也。又有托物以寓意者。如醉鄉記。有首之以序。而以韻語為記者。如韓愈汴州東西水門記。

有篇末系以詩歌者如蘇洵張益州畫像記皆為別體。又有墓碑記墳記塔記。

碑文辨

碑者埤也。上古帝皇始號封禪樹石埤岳故曰碑。後漢以來有山川之碑。城地之碑。宮室之碑。橋道之碑。壇井之碑。神廟之碑。古迹之碑。土風之碑。災祥之碑。功德之碑。墓道之碑。寺觀之碑。托物之碑。碑實銘器。銘實碑文。其序則傳。其文則銘。此碑之體也。又碑之體主于序事。其後漸以議論雜之則非矣。故攷諸大家之文而列為三品。其主于叙事者曰正體。主于議

論者曰變體。叙事而參之以議論者曰變而不失其正。至于託物寓意之文則又為別體。其墓碑則自為一類也。又有碑陰文如柳宗元大明和尚碑陰箕子碑陰之類。

英案或云碑。臣子追述君父之功以書其上。初學記碑悲也。所以悲往事也。

傳辨

傳者傳也。太史公創史記列傳以載一人之事而為體不同。迨前後兩漢書三國晉唐諸史則但相祖襲而已。厥後學士太夫或值忠孝才德之事慮其湮沒

或事迹雖微而卓然可爲法戒者。因爲立傳。以傳于世。此小傳家傳外傳之例也。其品有四。曰史傳。以傳古人。曰家傳。以傳時人。曰托傳。如梓人傳。圻者傳。曰假傳。有所引。如毛穎傳。清和先生傳。皆屬假借。

說書辨

說書者。儒臣進講之詞也。人主好學。則觀覽經史。儒臣因說其義。以進。謂之說書。

祝文辨

祝文者。饗神之詞。劉勰所謂。祝史陳信。資乎文質者。是也。考其本旨。有六。曰告。曰修。曰祈。曰報。曰信。曰謁。

用以饗天地山川社者。國有大事。先集群臣。而廷議之。厥後下公卿議。乃始撰詞書之。簡牘以進。而學士偶有所見。又復私議于家。文以辨潔爲能。不以繁縟爲巧。事以明覈爲美。不以深隱爲奇。此外有謚議。則別爲一體云。

辯辨

辯。判別也。漢以前。初無作者。至唐韓柳。乃始作焉。然其原實出於蒙莊。蓋本乎至當不易之理。而以反覆曲折之詞發之。若其題曰某辯。或曰辯某。則隨作者命之。實非有異議也。

解辨

解者釋也。揚雄始作解嘲。後韓愈有進學解。隨作做之。與論說議辯。蓋相通焉。

案。文心雕龍云。解者釋也。解釋結滯。徵事以對也。說文。解。判也。禮記有經解。所以解述經義也。如韓愈。獲麟解。解之正體也。如進學解。解之變體也。

引辨

班固雖作典引。然實為符命之文。如雜著命題。各用己意。非以引為文之一體也。唐以後始有此體。大畧如序。而稍為短簡。蓋序之濫觴也。

題跋辨

題跋者簡編之後語也。凡經傳子史詩文圖書之類。前有序引。後有後序。可謂盡矣。其後覽者。或因人之請求。或因感而有得。則復撰詞以掇于末。簡而總。謂之題跋。盧疎齋曰。跋取詩狼跋其胡之義。狼行則前躓其胡。故跋語不可太多。多則冗。尾語宜峭。跋使不可加。若然則跋與書尤貴簡峭也。綜其實有四。曰題。曰跋。曰書某。曰讀某。夫題者締也。審締其義。跋者本也。因文見本。書者書其語。讀者因於讀其詞。考古證今。釋疑訂謬。專以簡勁為主。與序引不同。又有題詞。

文法詳論卷上
所以題其書之本末指義。文詞之表也。然題跋書於後。而題詞冠于前。此其辨也。

志辨

志者記也。字亦作誌。其名起于漢書十志。而後人因之。大抵記事之作也。他如墓誌別為一類。

紀事辨

紀事者記事之別名。而野史之流也。古者史官掌記時事。而耳目所不逮。文人學士之有見聞。隨手紀錄。以備史官之採擇。以裨史籍之遺亡。故以紀事括之。

評辨

評品論也。史家褒貶之詞。蓋古老史官各有論著。以訂一時君臣言行之是非。然隨意命名。莫協于一。故司馬遷史記稱太史公曰。而班固西漢書則謂之贊。范曄東漢書又謂之論。其實皆評也。而評之名始見于三國志。後世作者漸多。則不必手秉史筆。而後為之矣。故二評載諸文粹。而評史見于蘇文忠公集中。又有雜評。以評事之得失。

七辨

文選文體有曰。七者詞雖八首。而問對凡七。故謂之七。則七者問對之別名。而楚辭七諫之流也。蓋自枚

乘初撰七發而傳毅七激張衡七辯崔駰七依崔瑗
七蘇馬融七廣曹植七啓王粲七釋張協七命陸機
七徵桓麟七說左思七諷規倣太切了無新義及柳
子厚作晉問雖用其體而超然別立机杼漢晉沿習
之弊一洗矣竊考對偶句語六經所不廢七體雖尚
駢麗然遺詞變化與連珠全篇四六不同也

連珠辨

連珠者假物陳義以通諷諭之詞連之爲言貫也穿
貫情理如珠之在貫也蓋自揚雄綜述碎文肇爲連
珠而班固賈逵傳毅之流受詔繼作傳玄乃曰興於

漢章之世誤矣然其云詞麗言約合于古詩諷興之
義則不易之論也其體展轉或二或三皆駢偶而有
韻故工此者必使義明而詞淨事圓而音澤也

義辨

義者理也本其理而疏之謂之義若禮所載冠義祭
義得宜是又存乎節文之間矣

說辨

說者解也述也解釋義理而以己意述之也說之名
起于夫子說卦漢許慎作說文亦祖其名以命篇而
魏晉以來作者絕少獨曹植集中有二首而文選不

載故其文闕焉。陸機文賦備論作文之體。有曰說燁燁而譎誑。是豈知文者哉。至昌黎憫斯文日弊。作師說。柳子厚及宋諸大儒。各即事即理。而為之說。以曉當世。悟後學。由是六朝陋習。一洗無餘矣。盧學士曰。說須自出己意。橫說豎說。以抑揚典贍為上。與論無大異也。此外又有名說字說。其名雖同。而所施則異。

原辨

原者本也。謂推論其本原也。義始太易。原始要終之訓。自唐韓愈作五原。原道。原性。原毀。原人。原鬼。而後人因之。雖非古體。然其溯原本始。致用當今。則誠有不可少者。至

其曲折抑揚。亦與論說相為表裏。無甚異也。

案淮南子有原

道篇注原本也。韓愈蓋本于淮南子。後為文之一體。

議辨

議者宜也。周爰諮謀以審事宜也。周書曰。議事以制政。乃不迷。昔管仲稱軒轅有明臺之議。則議之來遠矣。至漢始立駁議。駁者雜也。雜議不純。故曰駁也。

文辨

編內所載均謂之文。而此類獨以文名者。蓋文中之一體也。有散文。有韻語。或效楚辭。或為四六。或以盟神。或以諷人。其體不同。其用亦異。如柳宗元乞巧文。

文法詳論卷上
韓愈送窮文。孔稚圭北山移文之類。

案稱文者。又爲文中一種。文選分類。有王元長策秀文。任彥升策秀文等。與弔文祭文等異。

檄辨

檄軍書也。以木簡爲書。長尺二寸。用以號召。若有急則插鷄羽而遣之。故謂之羽檄。言如飛之疾也。古者用兵誓師而已。至周乃有文告之詞。而檄之名始見於戰國。史記載張儀爲檄以告楚相。後人倣之。代有著作。而其詞有散文有儷語。

行狀辨

狀者貌也。禮貌本原。取其事實。先賢表謚。並有行狀。後世韓柳所作。足爲楷式。而其文多于門生故吏親舊之手。以謂非此輩不能知也。其逸事狀。則但錄其逸者。其所已載。不必詳焉。乃狀之變體也。

述辨

述。誤也。纂誤。其人之言行。以俟考也。其文與行狀同。不曰狀而曰述。亦別名也。宋王安石有先大夫述。

楚辭辨

楚辭。詩之變也。詩無楚風。然江漢間皆爲楚地。文王化行南國。漢廣江有汜。諸詩列于二南。詩周南乃居。

十五國風之先是楚實爲風首也風雅既亡乃有楚
狂風兮孺子滄浪之歌發乎情止乎禮義與詩人六
義不甚相遠但其詩稍變詩之本體而以兮字爲讀
楚辭固已萌蘖于此矣屈平本詩義爲騷蓋兼六義
而賦之意居多宋玉繼作並號楚辭自是詞賦家悉
祖此體

賦辨

賦體起于離騷離騷者言離憂也屈原作此以寫憂
蓋賦之祖而未嘗以賦名趙人荀况遊宦于楚攷其
時雖在屈原之前所作五賦工巧深刻純用隱語君

子無取焉及宋玉作神女登徒子等賦賦之名始著
其詞輕清婉逸初未俳組漢賈生弔屈原鵬鳥一賦
用騷體而詞句猶在淺顯相如子虛上林諸賦出而
揚雄班固之徒率以俳組爲勝矣

古今言賦自騷之外咸以兩漢爲古蓋其鋪張段落
創起一法實爲魏晉所宗當時無集類等書非真淹
博者不能詳贍張左之才猶須研京十年鍊都一紀
後諸名家欲挽其習所作文賦如阿房赤壁等不組
辭而尚意清新流動又成一體讀之快然忘倦作者
遇枯澁題能做諸大篇以恣其博濃熟題做諸文賦

以求其情則思過半矣

三國六朝賦辨

西漢詞工于楚騷東漢又工于西漢以至三國六朝
 一代工于一代詞愈工則情愈短味愈淺而體愈下
 建安七子獨王仲宣賦有古風至晉陸士衡輩文賦
 等作已用俳體流至潘岳首尾絕俳迨沈休文四聲
 八病起四聲周顛所設平上去入也八病沈休文所定平頭上尾蜂腰鶴膝大韻小韻旁紐正紐
 而俳體又入于律矣徐庾繼出又復隔句對聯以為
 駢四儷六簇事對偶以為博物洽聞有詞無情義亡
 體失此六朝之賦所以益遠于古然其中有安仁秋

興明遠舞鶴等篇選文雖其詞不過後代之詞乃情則
 猶得古詩之餘也

唐賦辨

唐賦大抵律多而古少句中拘對偶以趨時好字中
 揣聲病以避時忌熟有學古賦者惟韓柳詩古賦以
 騷為宗超出俳律之外唐賦之古莫古於此阿房宮
 賦古今膾炙但大半是論體不復可專目為賦矣

宋賦辨

宋賦有俳體文體后山謂歐公以文體為四六夫四
 六者屬對之文也可以文體為之至於賦若以文體

則是下片之文。押幾箇韻耳。於風之優游。比興之假托。雅頌之形容。皆不兼矣。晦翁曰。宋朝文明之盛。前世莫及。自歐陽南豐眉山迭起。傑然自為一代之文。獨于楚人之賦。有未數數然者。觀此則宋賦可知矣。

古今賦分為五體辨

賦有五體。曰古賦。如長門賦。夫何一佳人兮。步逍遙以自虞。句法篇法。全似乎騷。班婕妤自悼賦。擣素賦。張衡思立賦。禰衡鸚鵡賦。王粲登樓賦。潘岳秋興賦。選文之類是也。上林子虛創為縱橫駢織。亦為古賦。倣之者。揚雄羽獵。班固兩都。左思三都。張衡二京。選文之

類是也。曰俳賦。自楚詞朝飲木蘭之墜露兮。夕餐秋菊之落英。製芟荷以為衣兮。集芙蓉以為裳等句。已類俳語。猶一句中自作對耳。及相如左烏號之彫弓。右夏服之勁箭等句。始分兩句作對。而俳遂甚焉。後人倣之。遂成此體。每句對偶。如陸機文賦。鮑照蕪城賦。謝惠連雪賦。謝莊月賦。顏延之赭白馬賦之類是也。曰文賦。蓋楚辭卜居漁父二篇。已肇文體。子虛上林兩都等作。則首尾是文。後人倣之。純用此體。為議論。而押韻之文。如揚雄甘泉賦。杜牧之阿房宮賦。蘇軾赤壁賦之類是也。曰律賦。沈約有四聲八病之拘。

徐庾復隔句對聯以爲四六而律益細焉隋進士科專用此體至唐宋盛行取士命題限以八韻必以音律諧協對偶精切爲工如韓愈明水賦限以玄化無宰至精感通八字爲韻起一段即押其事信美其義惟玄宋王曾萬物渾成賦以虛象生在天地之始爲韻之類是也曰小賦蓋恢諧遊賦之作本于宋玉大言小言賦而設爲問答或純以四言成篇如揚雄逐貧賦左思白髮賦東坡黠鼠賦等類是也

英案左傳隱元年鄭莊公賦大隧之中其樂也融融賦字見此詩序六義次二云賦蓋謂直陳其事

爾事文類聚云賦之所起屈原始作賦其後宋玉荀卿之徒演爲別體漢書云不歌而頌曰賦釋名敷布其義曰賦

賦設爲問答之始辨

屈原假爲卜者漁父問答之後後人悉見規倣子虛上林賦子虛以烏有先生亡是公長楊賦以翰林主人子墨客卿兩都賦以西都賓東都主人兩京賦以憑虛公子安處先生三都賦以西蜀公子東吳王孫魏國先生皆蹈襲一律則知詞賦之作莫不祖騷矣

賦用事貴曲確辨

左太冲三都賦序畧曰美物者貴依其本讚事者宜本其實匪本匪實覽者奚信相如賦上林而引盧橘夏熟揚雄賦甘泉而陳玉樹菁葱班固賦西都而嘆以出比目張衡賦西京而述以遊海若假稱珍怪以為潤色若斯之類匪啻于茲考之果木則生非其壤校之神物則出非其所於詞則易為藻飾于義則虛而無徵故賦家屋山川城邑鳥獸草木必當誓之地圖驗之方志也

賦後有亂辨

亂者樂節之名篇章之末撮大要以為亂蓋原本離

騷騷末有亂曰已矣哉國無人兮莫我知兮等句而賦又有系曰重曰總是此義若東都賦後有其詞曰凡明堂等詩五首潘岳籍田賦後張衡南都賦後俱有頌曰之類此又一法

賦中有歌辨

張衡南都賦後有相與歌曰後又有敢作頌曰以歌頌雙收謝莊月賦有歌曰美人邁兮奇塵闕隔千里兮共明月又稱歌曰月既深兮露欲晞歲方晏兮無與歸等語以二歌雙收

文辭有似賦者辨

文之似賦者。北山移文。弔古戰場文。韓愈弔田橫文。柳子厚弔屈原。文之類。辭之似賦者。陶潛歸去來辭。揚萬里。延陵懷古辭之類。

頌辨

詩有六義。其六曰頌。文心云。昔帝倍之世。成累為頌。以歌九韶。則頌起于帝倍也。頌者容也。美盛德之形容。以其成功。告于神明者也。若商之那。周之清廟。皆以告神。乃正體也。至魯頌駉。閔等篇。用以頌僖公。而體變矣。後世獻頌。特用魯頌而已。其詞多用韻語。若聖主得賢臣。頌則用散文。亦為變體。又有哀頌。則任昉所稱。漢張紘初作陶侯哀

頌是也。劉勰曰。頌之為體。典雅清鑠。揄揚汪洋。敷寫似賦。而不入華侈之區。敬慎如銘。而異乎規戒之域。知此。可得作頌之法矣。

英案。陸機文賦云。頌優游以彬蔚。李善註。褒述功美。以辭為主。故優游彬蔚。

贊辨

贊稱美也。字本作讚。相如作荆軻贊。世已不傳。孟堅漢史以論為贊。至東方朔畫像贊。及范曄諸贊。皆易以韻語。始為正體。貴乎瞻麗宏肆。有雍容俯仰頓挫起伏之態。作散文。當祖班氏史評。作韻語。當宗東方

朝其體有三。曰雜贊。意專褒美。若諸集所載人物文章書畫諸贊是也。曰哀贊。哀人之歿而述德以贊之者是也。曰史贊。兼褒貶。若史記索隱東漢晉書諸贊是也。贊之為體。促而不曠。結言于四言之句。盤桓乎數韻之詞。其頌家之細條乎。蓋嘗玩之。其述贊也。名雖為贊。而實則評論之文。其叙傳詞。雖似贊。而實則小序之語。安得槩謂之贊。而無辨乎。

銘辨

銘者名也。觀器而正名也。夏商鼎彝尊鹵盤匱之屬。莫不有銘。而文多殘缺。獨殷盤見于大學。而太戴禮

備載武王諸銘。凡几席觴豆之屬。無不勒銘。以致戒警。後有稱述先人之德善勞烈。如孔悝鼎銘。又後世山川宮室門井之銘。若孟堅燕然山旌征伐之功。張孟湯劔閣戒殊俗之僭叛。取義不同。然要其體有二。曰誓戒。曰祝頌。陸機曰。銘貴博約。而溫潤。又有碑銘墓誌銘。不列此類。

箴辨

箴者誠也。蓋醫者以箴石刺病。故有所諷刺。而救其失者。謂之箴。其品有二。曰官箴。曰私箴。皆用韻語。以垂警戒。

墓誌銘辨

誌者記也。銘者名也。古人有德善功烈可名于世，沒則後人爲之鑄器以銘，而俾傳于無窮。若蔡中郎集所載朱公叔鼎銘是已。至漢杜子夏始勒文埋冢側，遂有墓誌。後人因之，蓋于葬時述其人世系名字爵里行治壽年卒葬日月，與其子孫木畧勒石加蓋埋于壙前三尺之地，以爲異時陵谷變遷之防。而謂之誌銘。至論其題，則有曰墓誌銘，有誌有銘者是也。曰墓誌銘并序，有誌有銘而又先有序者。元稹杜工部墓誌銘并序是也。然云誌銘而或有誌無銘，如韓愈

貝州司法參軍李君墓誌銘，或有銘無誌。如王安石儀部郎中晁君墓誌銘，序在銘內，則別體也。曰墓誌，則有誌而無銘。曰墓銘，則有銘而無誌。然亦有單云誌而却有銘，如柳宗元東明張先生墓誌，單云銘而却有誌者，如蔡邕貞節先生范史雲銘，有題云誌而却是銘。如任昉劉先生夫人墓誌，題云銘而却是誌者。如韓愈考功員外盧君墓銘，皆別體也。其未葬而權厝者，曰權厝誌。曰誌某，殯後葬而再誌者，曰續誌。曰後誌，歿於他所而歸葬者，曰歸附誌。葬於他所而後遷者，曰遷附誌。刻于蓋者，曰蓋石文。刻于磚者，

文法詳論卷一
曰墓碑記。曰墓碑銘。書于木版者。曰墳版文。曰墓版文。又有曰葬誌。曰誌文。曰墳記。曰壙記。曰壙銘。曰櫛銘。曰埋銘。其在釋氏。則有曰塔銘。曰塔記。凡二十題。或有誌無銘。或有銘無誌。皆誌銘之別題也。其爲文。則有正變之二體。正體惟敘事。變體則因敘事而加議論焉。又有純用也字。爲節段者。有虛作誌文。而銘內始敘事者。亦變體也。若夫銘之爲體。則有三言。四言。七古。雜言。散文。有中用兮字者。有末用兮字者。有末用也字者。其用韻。有一句用韻者。有兩句用韻者。有三句用韻者。有前用韻而末無韻者。有前無韻而

末用韻者。有篇中既用韻。而章內又各自用韻者。有隔句用韻者。有韻在語辭上者。有一字隔句重用。自爲韻者。有全不用韻者。其更韻。有兩句一更者。有四句一更者。有數句一更者。有全篇不更者。皆雜出于各篇之中。難以例列也。

墓碑辨

古者葬有豐碑。以窆。秦漢以來。死有功業。則刻于上。稍改用石。晉宋間始稱神道碑。蓋地理家以東南爲神道。碑立其上。而名耳。墓碣。近世五品以下所用。文與碑同。墓表。則有官無官皆可。古今作者。惟昌黎最

高行文叙事首尾不相蹈襲凡碑碣表于外者文則稍詳銘埋于壙者文則嚴謹其書法則惟本其學行大節小善寸長為皆勿錄近世勿知者至將墓誌亦刻墓前斯失之矣

墓表辨

墓表自東漢始安帝元年立謁者景君墓表其文體與碑碣同有官無官皆可用非若碑碣之有等級限制也以其樹于神道故又稱神道表其為文亦有正變

誄辨

誄者累也累列其德行而稱之也周禮大祝作六辭其六曰誄即此文也今考其時賤不誄貴幼不誄長故天子崩則稱天以誄之卿大夫卒則君誄之魯哀公誄孔子云云蓋古之誄本為定謚而今之誄惟以寓哀則不必問其謚之有無而皆可為之至于貴賤長幼之節亦不復論矣其體述世系行業而未寓哀德之義所謂傳體而頌文榮始而哀終也

祭文辨

其詞有散文有韻語有儷語而韻語之中又有散文四言六言雜言騷體儷體之不同劉勰曰祭奠之文

宜恭且哀若夫辭華而靡實情鬱而不宣皆非工於此者也

弔文辨

古者弔生曰唁死曰弔或驕貴而殞身或狷忿而乖遺或有志而無時或美才而兼累後人追而慰之並名爲弔若賈誼之弔屈原則弔之祖也然不稱文故不列之其文濫觴于唐故有弔戰場弔罇鐘之作大抵弔文之體鬚髯楚騷而切要惻愴似稍不同若華過韻緩賦而非文也

文法詳論卷上終

支那文學全書

Table listing volumes of '支那文學全書' (Chinese Literature Complete Series) with titles like '四書講義', '孟子', '老子', etc.

日本歷史評林

Table listing volumes of '日本歷史評林' (Japanese History Review Forest) with titles like '第一編', '第二編', etc.

歷史讀本

Table listing volumes of '歷史讀本' (History Reading Book) with titles like '第一編', '第二編', etc.

010190526785

48-13469

